



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiarvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

De copula filiorum qui ante compaternitatem vel post nati sint. E. F

**urn:nbn:de:hbz:466:1-38829**

pa, Inno. & Cælestinus cum episcoporum plurimorum consensu in Apostolorum principis ecclesia præsidentes, talia rescripserunt & confirmauerunt: vt nullo modo se in coniugio reciperent viri ac mulieres, quicumq; hac ratione susceperunt natos: sed separent se, ne suadente diabolo tale vitium inualefcat. Item si quis filiastrum vel filiastram suam ante episcopum tenuerit ad confirmationem, separetur ab vxore sua, & aliam nunquam accipiat. Hac autem vel ad terrorem dicta sunt, non quod ita esset faciendum, sed ne illud fieret summo opere cauendum: vel de illis est intelligendum, qui prius filios suos vicissim de fonte susceperunt, quam fierent coniuges. Præmissis a. auctoritatibus omnino consentiendum est: vt siue proprium, siue tantum viri filium mulier de fonte susceperit, non ideo a viro separetur: & de viro similiter oportet intelligi.

*Ex cõc. apud Vermeriam 30. qu. 1. Si quis filiastrum.*

*De copula spiritualium, vel adoptiuorum, & naturalium filiorum.* D

Quod a. spirituales, vel adoptiui filii naturalibus copulare nequeat, Nicol. papa testatur inquit. Ita diligere debet homo eum, qui se suscepit de sacro fonte, sicut patrem. Inter fratres & filios spirituales gratuita & sancta comunio est: quæ dicenda non est consanguinitas, sed habenda spiritualis proximitas. Vnde inter eos arbitror non posse fieri legale coniugium, quia nec inter eos, quæ natura, & eos quæ adoptione filii sunt, venerandæ leges matrimonia contrahi permittunt. Itæ, si inter eos non contrahitur matrimonium, quos adoptio iungit: quanto potius a carnali inter se contubernio cessare oportet, quas per cæleste sacramentum regeneratio S. Sp. vincit. *Si filij ante compaternitatem vel post nati valent coniungi. E*

*Ad con. Bulgavorum. 30. qu. ita diligere.*

Hinc a. quidam volunt intelligere tantum de illis filiis, quibus copatres facti sunt, de aliis vero qui ante compaternitatem vel post geniti sunt, con-

*Vbi supra. super quibus.*

vide-

videtur consentire Urbanus 2. dicens, super quibus  
consuluit nos tua dilectio, hoc videtur responde-  
dum: vt & baptismus sit, si instate necessitate fa-  
mina puerum in nomine Trinitatis baptizauerit  
& quod spiritualium parentum filii vel filie ante vel  
post compaternitatem genitæ, possunt legitime co-  
iungi, præter illam personam, qua cõpatres effecti sũt.

*Paschalis papa.*

Paschalis vero 2. post compaternitatem genitos  
copulari prohibet, scribens Regino episcopo: Post  
susceptum filium de fonte vel filiam spiritualem,  
qui ex compatre vel ex cõmatre fuerint nati, ma-  
trimonio iungi non possunt. Illud etiam notandum  
est, quod in Tiburienti concilio legitur. Si quis sue  
spiritualis commatris filiam fortuito, & ita con-  
tingente rerum casu in coniugium duxerit. ma-  
riori seruato consilio habeat, atque legitimo con-  
nubio honeste operam det.

*Si quis ducere possit duas commatres vnã post alteram.*

Solet etiam quæri. Si commatrem vxoris post  
eius obitum quis ducere valeat? De hoc Nicolaus  
papa sic scribit, Sciscitatur à nobis sanctitas vestra,  
si quis duas commatres habere valeat, vnã post  
alteram? In quo meminisse debes scriptum esse. E-  
runt duo in carne vna. Cum ergo constet, quod vir  
& mulier vna caro efficiuntur, restat virum com-  
patrem cõstitui mulieri, cuius assumpta vxor cõ-  
mater erat: & ideo virum illi fœminæ non posse  
coniungi, quæ commater eius erat, cum qua idem  
fuerat vna caro effectus. Huic autem illud contrarium  
videtur. Qui spirituales habet compatrem, cuius  
filium de lauacro suscepit, & vxor eius comma-  
ter non est, licet ei defuncto compatre suo eius vi-  
duam ducere in vxorẽ: quos nulla generatio spiri-  
tualis secernit. Itẽ ex epistola Paschalis papæ. Post  
vxoris obitum, cum commatre vxoris coniugio  
copulari, nulla ratio vel auctoritas videtur prohibere.

*Ibid. c. post  
susceptum.*

*Ca. 48 con.  
Tiburien.*

*Constan. epi.  
30. qu. 4. ca.  
Sciscitatur*

*Ca. 47. con.  
Tiburien. ibi.  
ca. Qui spiri-  
tualem ibi-  
dem c. Post  
vxoris.*